

PROÇESVERBAL

Procesverbal i konsultimit publik me bizneset për taksat dhe tarifat vendore, i mbajtur më datë 13/11/2014 ora 10:30 në sallën e mbledhjeve të Bashkisë Elbasan, ku marrin pjesë kryetari i bashkisë Z. Gledian Llatja, Zv. Kryetare e bashkisë Znj. Aulona Bylykbashi, Drejtori i përgjithshëm Z. Qemal Tusha, Drejtor i Taksave Z. Klevis Cullhaj, qytetarë, sipërmarrës dhe anëtarë të këshillit bashkiak.

Z. Klevis Cullhaj:

Faleminderit që iu përgjigjët ftesës sonë për të qënë pjesë e këtij konsultimi publik. Ne si bashki jemi duke rishikuar disa gjëra, jo për të pasur tarifat më të larta, por për të bërë një rritje të cilën fillimisht do ta bisedojmë bashkë.

Z. Gledian Llatja:

Ne ju quajmë bazën tonë ekonomike. Do të ishte pa kupim mos ta fillonim bashkë buxhetimin e target grupeve. Kemi disa probleme sociale por këto katër vite kemi bërë disa punë dhe po përgatitemi për programin tjetër. Kur i themi qytetarëve për paketën fiskale kanë më pak interes sesa ju. Jemi në trend për shumë biznese që e shohin Elbasanin si potencial lidhur me infrastrukturën. Edhe ne si bashki jemi përpjekur të bëjmë më të mirën. Po mundohemi të bëjmë shumë projekte për zhvillimin e qytetit siç është bypass i Elbasanit, project i cili nuk i shërben vetëm Elbasanit po të gjithëve. Shpresoj që vitin tjetër ti kemi të hapura kantierët e punimeve për bypassin.

Këto janë disa nga prioritetet tona, ku gjithashtu përfshihet Gjinari dhe Funari. Kemi mbyllur pothuajse problematikat me energjinë, me ujin e pijshëm, por kemi akoma probleme me azhurnimin e tokave. Këto janë potencialet tona për zhvillim dhe projektet e mëdha për të pasur një rritje të zhvillimit të Elbasanit. Kemi edhe kalanë të cilën duam ta bëjmë një zonë të lirë ekonomike, ku për bizneset nën 40m² të mos ketë taksa vendore.

Rritja do të bëhet me 25% për gjelbërimin, ndriçimin dhe pastrimin, me qëllimin që të arrijmë tek llogjika që tarifa mbulon shërbimin. Një qytetari do ti rritet afërsisht 60 lekë të reja në muaj. Gjithashtu po mendojmë të vendosim një tarifë për makinat e vjetra që futen në qytet, për të mbrojtur ajrin.

Znj. Aulona Bylykbashi: Është menduar të mos ketë asnjë rritje në taksën e ndërtesës. Rritjet do të jenë për tarifën e ndriçimit, pastrimit dhe gjelbërimit me 25%. Me këtë rritje do të lehtësohet bashkia me 20%. Për të treja këto tarifa familjet do të paguajnë 69 lekë më tepër në muaj, biznesi i vogël 254 lekë më tepër, biznesi i vogël me TVSH 540 lekë më tepër.

Z. Gledian Llatja: Taksën e ndërtesës, infrastrukturës i kemi lënë në minimumin ligjor. Kemi bërë rritjen e tarifave për shtimin e investimeve.

Po mendojmë një model të ri subvencionesh për hapjen e bujtinave në Gjinar, ose kush kërkon të kthejë shtëpinë e tij në bujtinë do të japim subvencion për rregullimin e kuzhinës dhe tualetit të cilat janë kryesoret për shërbimin. Ka shumë potencial turistik dhe ka disa modele të tilla në Gjinar dhe në Funar. Të njëjtën gjë mendojmë edhe më rehabilitimin e fasadave të shtëpive tek porta e kalasë.

Qytetarë: Unë në Gjinar kam një objekt. Duhet të marr leje nga AZHBR për ndërtim?

Për ta kthyer në bujtinë duhet marrë leje tek AZHBR, ndërsa për leje për rikonstrukcion duhet ta marrim tek ne.

Qytetarë: Kemi një biznes transport udhëtarësh, por janë dhe dy taksi që punojnë në Dopaj. Punojmë të dy dhe në këtë mënyrë nuk justifikohet tregu me taksitë. Nuk e di nëse janë të rregjistruar por nëse po ne me autobuza nuk mund të punojmë dot. Po ashtu kemi problem me ndalesat në autostradë. Janë pika ku marrim nxënësit për në shkollë, e vetmja mënyrë për ti marrë, por në ato ndalesa marrim gjobë. Dhe një problem tjetër është prishja e rrugës tek xhamia në Dopaj, është e pakalueshme nuk mund të punojmë.

Z. Gledian Llatja: Pas ndarjes së punëve publike të qytetit dhe fshatit besoj se do ta gjejmë një zgjidhje.

Qytetarë: Jam banorë i fshatit Hajdaran, kam një dyqan mishi dhe kemi probleme me ujin e pijshëm.

Z. Gledian Llatja: Po e dimë si problem, po presim të bëjmë një investim për të gjithë rrjetin e fshatit atje.